

Պատրիարքական ընտրական գործերու մասին կը շինէ իր Տեղեկագիրը և կը մատուցանէ պատկան ժողովին :

1915 ին կը տարագրուի այլոց հետ Չանղըրը . սակայն կը յաջողի ազատիլ և Պոլիս գառնալ :

ՀԱՅԿԱԶՈՒՆ ՔՀ. ՈՍԿԵՐԻՉԵԱՆ, ԵՍՐՓՈՒԶՅԻ. — Ծ. 1886 ին . աշկ. Ժառ. վարժ. ի (1900 — 5) . ուսուցիչ նոյն Վարժարանին մէջ (1906-7) . յետոյ կ'աշակերտի Փարիզի Վարժապետանոցին և Սորպոնի Համալսարանին (1907-11) . 1911 ին վերադառնալով Ս. Յակոբ, կը կարգուի ուսուցիչ Ֆրանսերէնի, հոգեբանութեան և բարոյագիտութեան . նոյն պաշտօնով կը փոխադրուի Կիլիկիա (1912-14) . 1915 ին տարագրութեամբ կը ժամանէ Երուսաղէմ, և Ժառ. վարժ. ի մէջ վերստին կը կարգուի ուսուցիչ Ֆրանսերէնի և ձայնագրութեան : Ս. Յակոբի վանքին մէջ քհ. կը ձեռնադրուի Աղեքսանգրիոյ Ս. Պօղոս Պետրոս եկեղեցիին համար, ուր կը քահանայագործէ այժմ և կը վարէ իր նախաձեռնութեամբ հիմնարկած բարձրագոյն նախակրթարանին :

ՀԱՅՐԱՊԵՏ ԱԲ. — Մբ. Ս. Փրկչի 1355 ին, ձեռագիր յիշատակարաներու համաձայն :

ՀԱՅՐԱՊԵՏ ԵՊՍ. ՍԻՒՆԵԱՅ. — 1282 ին ուխտաւորութեամբ կ'այցելէ Ս. Յակոբի վանքը . պատմիչ Ստեփանոս Օրբելեան իր մասին կը գրէ . (Բ. Հատ. էջ 181-182) . «... ապա յետ բազում աւուրց ձերական ալիօք եպիսկոպոսն բարեբարոյ Տէր Հայրապետ յաղթեալ ի սիրոյ Տեառն իւրոյ՝ ի տեսութիւն աստուածակոխ անդեացն Երուսաղէմի . եւ հասեալ փափաքմանն շնո՞ղ պտենչումն երանելի ոգւոյն . և դառնայ առ աստուածապսակ թագաւորն Լեոն Հայոց» : Արատեսի Վանքի նորոգութեան եւ իր տապանի մասին՝ տե՛ս Բագլ. 1900, էջ 214 : Հայրապետ եպս. Տաթևի վանքին արևմտեան դրան վրայ ունի ծաղկաքանդակ խաչքար մը հետեւեալ արձանագրութեամբ . « զՏէր Հայրապետ Սիւնեաց եպս . յիշեցէք » (Հ. Հայրեկեաց, Գիրք Ե .) . նոյն վանքին աւագ դրան վրայ ալ, Հայրապետ եպս. ունի հետեւեալ արձանագրութիւնը . « ՉԲ. (= 1253) ես Տէր Հայրապետս ծառայ բարձրելոյն կանգնեցի զդասերս, նորոգեցի զդուռս . զիս յաղաւթս յիշեցէք աղաչեմ » . (Անյ. նոյն) . Հայրապետ եպս . վախճանած է ՉԼԹ (= 1290) թուին, ըստ տապանագրին :